

Aen “Nonjsuijbingz” Dou

Miz aen “nonsuijbingz” yienghneix: Sang 1.7 mij, gvaengzhwet mij ndeu. Mwnz haengjidingh gamjdaengz geizheih—baenzlawz miz aen nonjsuijbingz baenz hung? Gizsaed, “nonjsuijbingz” dwg aencoh dou an hawj Cwnz lauxsae maenghsaed haenx.

Vihmaz naeuz Cwnz lauxsae dwg “nonjsuijbingz”? Cawzle yienghsiengq de lumj aen nonjsuijbingz le, lij aenvih de rog caep ndaw raeuj.

Sien daeuj ganggang de “caep”. Mwh naj de mbouj riu gij yiengh yiemzsuk couh caepsisi, hawj vunz sieng hwnj aendamj nonjsuijbingz. Sing de gyaug hagseng baen sam gaep. Miz baez ndeu, miz boux doengzhag he nyex de huj lo, de cij yungh itgaep sing miqnaeuz boux doengzhag haenx, couh sawj daengx ban doengzhag hwk yaek dai bae. Sawqmwh, sing mbawfaex rog cueng yiengj “sasasa”, conghcueng ngauz “nyi” nyi nyetnyet”, dwglau lai lo.

Cwnz lauxsae doiq dou naeuz, hagseng de son gvaq haenx naeuz de “simdoeg”, heuh dou siusim gaej hwnjdangq. Hainduj dou mbouj saenq. Cigdaengz miz ngoenz ndeu hwnj goq yijvwnz, Cwnz lauxsae heuh dou raiz geij cih saw. Mwh dou raiz de hix youq gwnz hwzbanj raiz geij cih de heuh dou raiz haenx, lij daegdaengq raiz loek. De ngamq raiz sat, gou sikhaek ndwn hwnjdaej naeuz: “Lauxsae, mwnz raiz loek lo.” De hob bak gig miz eiqsei riu dwk. Mwnz yawj de geijlai “simdoeg”, mbouj cingq lumj aen nonjsuijbingz biujmienth lauxsaed, ndaw



dungx miz simgei ma?

“Nonjsuijbingz” biujmienth yienznaeuz “caep”, baihdaw cix gig “raeuj”. De youq gwnz dangz gingciengz haenx boux doengzhag dap vwndiz deng haenx. Mwh gyoengq doengzhag dap ndaej ndei, de couh aennaj raeujrub. Byawz danghnaeuz camgya doxdax ndaej ciengj, de couh fat ciengjbinj iq daeuj dajciengj. Daihgya cei q angq dwg miz baez ndeu, ndaw ban doengzhag mbwk donzdij diuqcag doxdax aeundaej nienzgaep daih’ it mingz le, Cwnz lauxsae gag ok cienz cingj daihgya gwnz gvaicanh angqho. Daihgya itmienth gwn nohgaeq daengx bak youzywd,

itmienth bek aek naeuz binaj baujmaenh aen gvanginh neix.

Cwnz lauxsae dawz dou dangguh baengzyoux de, gingciengz caeug dou gangj mbwn gangj deih. De gingciengz youq gwnz dangz caeug dou gangj de gyaeg guhmaz maij guhlawz, gangj ginglig dang lauxsae caeug ginglig youq Sihcang, gangj saedceij mizyinx ndawranz…… Miz baez ndeu, rog gyausiz gingjbau yiengjviuvu, de sikhaek camhdingz hwnjdangz, faensik gij yienzaen gingjbau yiengj, faensik baenzlawz doenggvaq sing gingjbau dinj raez daeuj faenbied gij hamzeiq gingjbau. Dou daj ndawsim gyaeg boux baengzyoux hung neix.

Vihliux hawj dou ndangcangq majhung, “nonjsuijbingz” bingzseiz guh haujai hong. Vihliux mienxndaej hawj binghdoeg lah hawj boux doengzhag ndangcangq, de daengq boux doengzhag deng bingh haenx bingh ndei 24 diemjcong le caiq dauq hagdangz; vihliux hawj daihgya boih lai di seiswz ciuhgeq, de caennang cujiz hai bangaep seiswz daihhoih, moix boux doengzhag cungj ndaejik gig lai; vihliux gujli daihgya fatmingz cau guh, de youq gwnz dangz faenyiengj gisuz conhli swheij, lij yaek caeug dou beijbeij byawz ndaej ciengj lai……

Neix dwg aen “nonjsuijbingz” miz fapswd ndeu, rox dou maij gijmaz gyaeg gijmaz, rox dou yaek aeu gijmaz, son vwnz mbouj lau baeg. Mwnz haengjidingh hozhaenz dou miz boux lauxsae lumj nonjsuijbingz yienghneix ba!

(seiq nienzgaep Vangz Gyahhanz)



Sing Yamqdin Daxmeh

Sing yamqdin daxmeh vueng’ vueng vatvat. Vueng’ vueng vatvat, lumj raemxlae sawdikdik ndaw ga dah laj ndoibya de, lae gvaq benq raiqfeuz rin’ gyaeg mizsack bu baenz ndeu, mbaeumbengmbeng; mbaeumbengmbeng, youh angqfwngfwng.

Sing yamqdin daxmeh mbaeumbengmbeng. Mbaeumbengmbeng, lumj rumzbailnamz gwnz ndoibya cisisi, daiq miz gij heiqhom dujva caeug gij nditndat ronghsag de, raeujrubrub; raeujrubrub, youh homswdswd.

Baez haaujhaemh, daxmeh bae gwnz ndoibya guhhong dauqdaej, lij youq gizgyae, gou youq ndaw ranz couh ndaejni sing yamqdin daxmeh lo. Sing yamqdin daxmeh vueng’ vueng vatvat, mbaeumbengmbeng.

Gou byaij ok bakdou bae, couh raen daxmeh byaij daeuj coh gou dahraix. Aennaj daxmeh riunyumnyum, ndei yawj lumj dujva nei, unqswnh lumj ronghndwen nei.

Gou mbouj caengz nyi loeng sing yamqdin daxmeh gvaq.

(Daj《Bonjsei Sim Lwngnyez》(Veiz Gizlinz raiz) senj okdaej, Lwfwngzmei/卢奋长 hoiz)

Nyapnyuk Roeggyaeujmeuz

“Lalala, okbae guhcaemz lo!” Lwg roeggyaeujmeuz ngamq siengj ok dou, cix angq lai raen yak, “bung” mbat ndeu, daemj deng gofaex; ciepdwk youh “bung” mbat ndeu, youh daemj deng diuzsaeu. Cingqngamj gyoengq doengzdoh iq ndeu lohgvag bakdou ranz de, yawjraen de yienghneix, cungj nyaenx mbouj ndaej riuahaha, lwg roeggyaeujmeuz fouznaih ngaem gyaeg roengzdaej.

Gvaq aen singhiz he, youq ndaw gyoengq doenghduz iq, lwg roeg-

gyaeujmeuz daenghwnj “daeuzdiuz”, lij lai aen vamingz “lwgmoeingdoengj” ndeu. Lwg roeggyaeujmeuz raen gyoengqdoh cungj riu swheij, gag ninz youq ranz daejsebseb.

Doeklaeng miz ngoenz ndeu, lwg roeggyaeujmeuz nyaenx mbouj ndaej daej dwk lwnh gij saeh neix hawj daxmeh nyi. Daxmeh lwg roeggyaeujmeuz dingq le, naeuz lwg roeggyaeujmeuz: “Caen dwg lwghuk ha, raeuz roeggyaeujmeuz dwg gyanghaemh yawj ndaej raen, cungj dwg youq gyanghaemh guh saeh, baenzlawz ndaej youq gyanghaet yawj ndaej raen ne? Mwnz naeuz deng mbouj deng?” Lwg roeggyaeujmeuz sikhaek mingzbe lo, lij dawz aen daegdiemj neix lwnh hawj daihgya: “Laxlawz gou youq banngoeng cungj miz di guh loek mbouj dwg aenvih gou huk, dwg aenvih dou roeggyaeujmeuz dwg doenghduz banhaemh yawj ndaej raen, banngoeng yawj mbouj raen.”

Daj neix hwnj, couhsuenq lwg roeggyaeujmeuz yienznaeuz gyanghaet lij guh gij saeh ndeiriu, hoeng daihgya hix caiq mbouj riu de lo.

(Vuz Yezcenh)

